

20. maj 2015

2014-imut Nunatta Karsiata naatsorsuutaasa akuersissutigineqarnissaannik siunnersuut
(Aningaasaqarnermut Aatsitassanullu Naalakkersuisoq)

Nunatta karsiata 2014-mut naatsorsuutaasa Inatsisartuni siullermeerinnilluni oqaluuserineqarnerinut Siumumiit imaattumik oqaaseqassaagut.

Nunatta karsia 2014-imi Ingerlatsinermi sanaartormilu inerniliussa q ilassutit ilanngullugit 222 mio. Kr-nik amigartooruteqarfiuvoq.

Siumumiit maluginiarparput kukkunersuinermi suliaqartut Naalagaaffiup akuerisai Nunatta karsiata 2014-mut Naatsorsuutai mianersornerusumik suliarisimasinnaagaluaaraat, kisitsisit inissitsiterneranni kukkuneqarsinnaanerannik sillimanagerullutik, tamanna sakkortuumik uparuarparput siunissamilu eqqumaffigineqarnerusariaqartoq piumasaralugu.

Siumumiit maluginiarparput Nunatta karsiata taamak inissisimaneranut tunngavilersuutigineqartut arlaqartut, ataatsimullu isigalugu 2013-miit 2014-imut ingerlatsinermit aningaasartuutit tapiissutillu taamaallaat 0,2 procentinik qaffariarsimallutik.

Tupaniq imigassamillu aalakoornartortalinnik akitsuutsinik isertitassatut naatsorsuutigineqartut annikinnerupput, tamassuma takutippaa tupamik aammalu imigassamik aalakoornartortalimmik atuinerput annikinnerulersimasoq, Siumumiit isumaqarpugut innuttaasut tamakkiisumik isigalugit ataasiakkaarlutik peqqissutsitsiminnik mianerinninnerulersimanagerat nuannaarutissaasoq.

Ukiuni kingullerni paaseqqipparput nunatsinni aningaasasiornikkut pissutsit qanoq ingerlarngata annertuumik sunnertaraatsigut. Pisortanit aningaasat isertussatut isumalluutit avataaniit sunnerneqaatit apeqqutaallutik timitalersorneqartarput.

Avataanniit ilinniagarluarsimasunik pisariaqartitsineq atuinerlu annikilleriarsimangilaq, tamatumalu saniatigut avataaniit ilinniagaqanngitsut sulisussatut tikisinnerqartariaqartalersimasut ilisima-

varput. Tamatumani takutinneqarpoq qaffasinnerusunik ilinniartitsinermik iliuseqarnissaq pisariaqartoq, soorluttaaq ilinniarsimasuuneq ilinniarsimasuunnginneq eqqarsaatigalugit sulinerup akilersinnaanerunissaanik alloriartoqartariaqartoq.

2009-mi Kommunit aqqissuuteqqinerata kingorna Namminersuleratta aqqissuuseqqinnernik ingerlatsisoqarsimanngilaq, tamatuma kinguneraa aningaasarsiornikkut pisariaqalivissimasoq aqqissuuseqqinnernik ingerlatsinissaq.

Aningaasarsiorneq pitsaasoq angusinnaangilarput avataanniit aningaasanik isaatitsinngikkutta, taamaattumik ukiuni aggersunik aatsitassarsiornerup aallartisavinneqarnissaanik pisariaqartitsineq takusinnaavarput. Avataanniit aningaasaliissutit nassatarisussaavaat nunatsinni inuussutissarsior-nikkut alloriarfiussammat, suliffissaaleqineq akiorneqassammat, saniatigullu piginnaasatigut qaffas-saanerit ingerlareersut suliffissaqartinneqalernissaanik periarfissaqalissammat, taamaasilluni akile-raarutitigut iluaqutaasumik sulisoqalersinnaasaaq kinguneralugu inunnik isumaginninnikkut aningaasartuutit annikilleriarnernik. Nunarsuarmi aatsitassaq akii sumi aatsitassarsiortoqalerumaar-nissaanik annertuumik sunniuteqartarput.

Takornarissat ikileriarsimapput aningaasarsiornikkullu isertitassatut naatsorsuutigisat piviusunngor-simanatik. Nunarput takutitassarpassuaqaraluartoq takusinnaavarput nunanut sanilerisatsinnut unammillerniarsinnaanerput ajornakusoorsimasoq, taamaattumik ungasinnerusumik isigaluni unam-millersinnaassuseqarneq orninneqartariaqartoq paasinarpoq.

Maanna 2014-imi nunatta karsiata Kukkunersiuinermi Ataatsimiititaliamut sukumiisumik suliassa-nngorlugu ingerlatipparput. Kukkunersiuinermi ataatsimiititaliap pisussaaffigaa aningaasat akuer-sissutit naapertorlugit iliuseqartoqarsimanersoq misissussallugu, aammalu pissusissamisoortumik illersorneqarsinnaasumillu ingerlatsisoqarsimanersoq nalilersugassaralugu.

Taamak Siumumiit oqaaseqarluta Kukkunersiuinermi ataatsimiititaliaq sukumiisumik sulilluar-nissaanik kissaapparput.

Suka K. Frederiksen

Siumut